



# **UNDANG-UNDANG MALAYSIA**

**Akta A462**

**AKTA PENYELARASAN PERINDUSTRIAN  
(PINDAAN) 1979**

[S.

2

Amendmen  
of First  
Schedule.

Tarikh Persetujuan Diraja ... 28hb Ogos 1979

Tarikh diterbitkan dalam *Warta* ... 13hb September 1979

## UNDANG-UNDANG MALAYSIA

Akta A462

AKTA PENYELARASAN PERINDUSTRIAN  
(PINDAAN) 1979

Suatu Akta untuk meminda Akta Penyelarasan Perindustrian 1975.

[ 15<sup>th</sup> Januari 1980 ] P.U.(B) 18/80

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut :

1. Akta ini bolehlah dinamakan Akta Penyelarasan Perindustrian (Pindaan) 1979 dan hendaklah berjalan kuat-kuasanya pada tarikh yang ditetapkan oleh Menteri melalui pemberitahu dalam *Warta*.

Tajuk ringkas dan mula berkuat-kuasa.

2. Akta Penyelarasan Perindustrian 1975, yang disebut Akta ibu dalam Akta ini, adalah dipinda dengan menggantikan noktah dalam tajuk panjang dengan koma dan memasukkan selepas koma itu perkataan-perkataan "bagi menubuhkan suatu Majlis Penasihat Perindustrian dan bagi lain-lain perkara yang berkaitan dengannya atau yang bersampingan dengannya."

Pindaan bagi tajuk panjang. Akta 156.

3. Akta ibu adalah dipinda dengan memasukkan atau menggantikan di tempat yang sesuai dalam seksyen 2, tafsiran berikut bagi "Majlis" dan "pegawai pelesen"—

Pindaan bagi seksyen 2.

" "Majlis" ertinya Majlis Penasihat Perindustrian yang ditubuhkan di bawah seksyen 11A;";

" "pegawai pelesen" ertinya mana-mana pegawai awam yang dilantik menjadi pegawai pelesen di bawah seksyen 3A;".

Amendmen  
of First  
Schedule.

Seksyen 3A  
baru.

4. Akta ini adalah dipinda dengan memasukkan selepas seksyen 3, seksyen 3A yang berikut—

“Pegawai  
pelesen  
hendaklah  
dilantik  
oleh  
Perdana  
Menteri.

3A. Perdana Menteri boleh melantik mana-mana pegawai awam untuk menjadi pegawai pelesen bagi maksud-maksud Akta ini dan apa-apa perantaraan itu yang dibuat sebelum berkuatkuasanya seksyen ini hendaklah, apabila berkuatkuasa, disifatkan telah dibuat di bawah seksyen ini.”

Pindaan  
bagi  
seksyen 7.

5. Akta ini adalah dipinda dengan menggantikan perkataan-perkataan “seorang pengilang kepada seorang pengilang lain” dalam seksyen 7 (1) dengan perkataan-perkataan “seorang pengilang kepada mana-mana orang”.

Pindaan  
bagi  
seksyen 10.

6. Akta ini adalah dipinda dengan menggantikan seksyen 10 dengan seksyen 10 yang berikut—

“Penyata-  
penyata  
atau lain-  
lain  
maklumat  
hendaklah  
diberi  
apabila  
dikehendaki  
berbuat  
demikian  
dengan  
notis  
bertulis.

10. (1) Pegawai pelesen boleh dengan notis bertulis menghendaki mana-mana pengilang supaya memberi kepadanya atau kepada Jabatan Perangkaan atau kedua-duanya, dalam masa yang dinyatakan dalam notis itu, penyata-penyata atau lain-lain maklumat berkenaan dengan apa-apa aktiviti pengilangannya tetapi pengilang itu tidaklah dikehendaki memberi maklumat yang akan menzahirkan apa-apa rahsia proses pengilangan atau lain-lain rahsia tred.

(2) Mana-mana pengilang yang—

(a) tidak memberi dalam masa yang ditentukan apa-apa penyata atau lain-lain maklumat yang dikehendaki di bawah seksyen-kecil (1) adalah bersalah atas suatu kesalahan dan boleh dikenakan denda tidak lebih daripada satu ribu ringgit atau penjara selama tempoh tidak lebih daripada tiga bulan atau kedua-duanya dan ia juga boleh dikenakan denda tambahan tidak lebih daripada lima ratus ringgit bagi tiap-tiap hari kemungkiran itu berterusan; atau

(b) memberi apa-apa penyata atau lain-lain maklumat yang palsu atau mengelirukan dalam apa-apa butir matan adalah bersalah atas suatu kesalahan dan boleh

dikenakan denda tidak lebih daripada dua ribu ringgit atau penjara selama tempoh tidak lebih daripada enam bulan atau kedua-duanya.”.

7. Akta ini adalah dipinda dengan memasukkan selepas seksyen 11, seksyen-seksyen 11A, 11B dan 11C yang berikut—

Seksyen-seksyen 11A, 11B dan 11C baru.

“Penubuhan dan keanggotaan Majlis Penasihat Perindustrian. 11A. (1) Maka hendaklah ditubuhkan suatu badan yang disebut Majlis Penasihat Perindustrian yang tugasnya ialah untuk menasihati Menteri atas perkara-perkara berkenaan dengan Akta ini.

(2) Majlis hendaklah terdiri daripada ahli-ahli berikut yang akan dilantik oleh Menteri mengikut nama—

- (a) seorang Pengerusi;
- (b) seorang wakil Kementerian;
- (c) seorang wakil bagi Kementerian Kewangan;
- (d) seorang wakil bagi Bahagian Perancang Ekonomi Jabatan Perdana Menteri;
- (e) seorang wakil bagi Kementerian yang bertanggungjawab bagi perusahaan utama;
- (f) seorang wakil bagi Lembaga Pembangunan Perindustrian Malaysia;
- (g) seorang wakil dari tiap-tiap satu daripada Negeri-negeri Sabah dan Sarawak yang akan dilantik oleh Menteri selepas berunding dengan Kerajaan Negeri-negeri itu;
- (h) lima orang ahli untuk mewakili institusi-institusi perdagangan dan perindustrian pengilangan;
- (i) dua orang ahli untuk mewakili kepentingan orang-orang yang menjalankan aktiviti-aktiviti pengilangan dalam Negeri-negeri Sabah dan Sarawak; dan
- (j) mengikut budibicara Menteri, tidak lebih daripada dua orang ahli lain.

Amendmer  
of First  
Schedule.

(3) Menteri boleh membatalkan perlantikan seseorang ahli Majlis yang dilantik di bawah seksyen ini atau seorang ahli gilir yang dilantik di bawah seksyen 11B (1) tanpa memberi apa-apa sebab baginya dan jika ia berbuat demikian pembatalan itu adalah muktamad dan tidak boleh dipersoalkan dalam mana-mana mahkamah.

Perlantikan  
ahli gilir  
Majlis.

11B. (1) Menteri boleh, berkenaan dengan tiap-tiap seorang ahli Majlis, selain daripada ahli yang dilantik di bawah seksyen 11A (2) (a) atau 11A (2) (j), melantik seorang lain dari badan yang sama atau yang mewakili kepentingan-kepentingan yang sama seperti ahli itu untuk menjadi ahli gilir kepada ahli itu dan ahli gilir itu boleh menghadiri mesyuarat Majlis untuk menggantikan ahli itu jika ahli itu tidak dapat hadir oleh kerana apa-apa sebab.

(2) Apabila menghadiri mesyuarat Majlis atau jika ahli yang baginya ia dilantik menjadi ahli gilir tidak hadir, seorang ahli gilir hendaklah bagi segala maksud disifatkan seorang ahli Majlis.

(3) Seorang ahli gilir hendaklah, melainkan jika ia terlebih dahulu meletakkan jawatannya atau perlantikannya dibatalkan terlebih dahulu, berhenti daripada menjadi ahli gilir apabila ahli yang baginya ia menjadi seorang ahli gilir itu adalah disifatkan telah mengosongkan jawatannya atau sebaliknya berhenti daripada menjadi ahli Majlis menurut peruntukan-peruntukan Akta ini tetapi ini pula tanpa menyentuh ahli gilir itu dilantik sebagai seorang ahli atau dilantik semula sebagai seorang ahli gilir.

Jadual  
hendaklah  
dipakai  
bagi  
Majlis  
dan  
ahli-ahli.

11C. Peruntukan-peruntukan Jadual hendaklah dipakai bagi Majlis itu, ahli-ahli dan ahli-ahli gilirnya.”

8. Akta ibu adalah dipinda dengan menggantikan seksyen 13 dengan seksyen 13 yang berikut—

Pindaan  
bagi  
seksyen 13.

“Orang  
yang  
terkilan  
boleh  
merayu  
kepada  
Menteri dan  
keputusan-  
nya adalah  
muktamad.

13. (1) Mana-mana orang yang—

(a) menjadi seorang pemohon bagi pengeluaran suatu lesen terkilan dengan keengganan mengeluarkan lesen itu;

(b) menjadi pemegang suatu lesen terkilan dengan—

(i) pengenaan apa-apa syarat ke atas lesennya;

(ii) pengubahan, atau keengganan mengubah, mana-mana syarat yang dikenakan ke atas lesennya; atau

(iii) pembatalan lesennya;

atau

(c) terkilan dengan keengganan meluluskan pemindahmilikan sesuatu lesen,

boleh, dalam tempoh empat puluh lima hari dari tarikh keputusan pegawai pelesen itu disampaikan kepadanya, merayu kepada Menteri mengikut cara yang ditetapkan.

(2) Menteri boleh, selepas mendengar rayuan itu, membuat apa-apa perintah yang difikirkannya patut dan perintah itu adalah muktamad dan tidak boleh dipersoalkan dalam mana-mana mahkamah.”.

9. Akta ibu adalah dipinda dengan menggantikan seksyen 14 dengan seksyen 14 yang berikut—

Pindaan  
bagi  
seksyen 14.

“Lesen  
terus  
berkuat-  
kuasa  
sementara  
menanti  
keputusan  
rayuan.

14. (1) Jika seseorang membuat rayuan di bawah seksyen 13 (1) (b) atau 13 (1) (c) lesen itu hendaklah terus berkuatkuasa seolah-olah pegawai pelesen itu tidak membuat keputusan sehingga rayuan itu telah diputuskan.

(2) Walau apa pun peruntukan seksyen-kecil (1), pegawai pelesen boleh sementara itu menjalankan mana-mana kuasa yang diberi kepadanya oleh Akta ini mengenai lesen itu atas apa-apa alasan yang tidak diliputi oleh rayuan itu.”.

Seksyen 15A  
baru.

10. Akta ini adalah dipinda dengan memasukkan selepas seksyen 15, seksyen 15A yang berikut—

“Adalah menjadi suatu kesalahan tidak mematuhi atau menguatkuasakan perintah yang dibuat di bawah seksyen 13.

15A. Seseorang yang tidak mematuhi atau menguatkuasakan perintah yang dibuat di bawah seksyen 13 (2) adalah melakukan suatu kesalahan dan boleh dikenakan denda tidak lebih daripada dua ribu ringgit atau penjara selama tempoh tidak lebih daripada enam bulan atau kedua-duanya dan jika orang itu terus melakukan kesalahan itu selepas berlaku kali pertamanya itu, ia juga boleh dikenakan denda tambahan tidak lebih daripada dua ratus ringgit bagi tiap-tiap hari ia terus melakukan kesalahan itu.”

Seksyen-  
seksyen 17,  
18, 19, 20,  
21 dan 22  
baru.

11. Akta ini adalah dipinda dengan memasukkan selepas seksyen 16, seksyen-seksyen 17, 18, 19, 20, 21 dan 22 yang berikut—

“Kuasa mengkompaun kesalahan-kesalahan tertentu.

17. (1) Jika seseorang melakukan suatu kesalahan di bawah seksyen 10 (2) atau 15A, pegawai pelesen boleh pada bila-bila masa sebelum bermulanya pendengaran kes terhadap orang itu mengkompaun kesalahan itu dan perintahkan ia supaya membayar apa-apa jumlah wang, tidak lebih daripada amaun denda maksimum, sebagaimana yang difikirkan patut oleh pegawai pelesen itu.

(2) Jika pegawai pelesen bertujuan hendak mengkompaun sesuatu kesalahan, ia hendaklah memberi notis secara bertulis tentang tujuannya berbuat demikian kepada orang itu dan notis itu hendaklah juga menyatakan—

- (a) tarikh dan tempat berlakunya kesalahan itu dan kesalahan yang dilakukan itu;
- (b) jumlah wang yang hendak dibayar untuk mengkompaun kesalahan itu; dan
- (c) tarikh selewat-selewatnya jumlah wang itu hendak dibayar.

(3) Jika orang itu bersetuju kesalahan itu di-kompaun, ia hendaklah mengaku melakukan kesalahan itu dan membayar jumlah wang yang dinyatakan itu selewat-selewatnya pada tarikh yang dinyatakan dan berikutan dengan itu pegawai



pelesen hendaklah membuat suatu perintah menyatakan bahawa kesalahan itu telah dikompaun dan perintah itu hendaklah juga, *mutatis mutandis*, mengandungi butir-butir yang dinyatakan dalam seksyen-seksyen-kecil 2 (a), 2 (b) dan 2 (c).

(4) Suatu perintah yang dibuat di bawah seksyen ini yang mengkompaun suatu kesalahan adalah muktamad dan tidak tertakluk kepada apa-apa rayuan.

Orang yang baginya kesalahan dikompaun tidak boleh dikenakan dakwaan bagi kesalahan itu. 18. (1) Seseorang yang baginya suatu kesalahan dikompaun di bawah seksyen 17 tidak boleh dikenakan dakwaan bagi kesalahan itu dan jika apa-apa pendakwaan dibawa terhadapnya maka adalah menjadi suatu pembelaan memadaikan baginya untuk membuktikan bahawa kesalahan itu telah dikompaun di bawah seksyen itu.

(2) Suatu perintah yang dibuat di bawah seksyen 17 (3) hendaklah, apabila dikemukakan di hadapan mana-mana mahkamah, dianggap sebagai bukti tentang berlakunya kesalahan yang dikompaun itu dan lain-lain perkara yang tersebut di dalamnya.

Tanggungan orang-orang tertentu bagi kesalahan-kesalahan yang dilakukan oleh syarikat, perkongsian atau kumpulan orang. 19. (1) Jika sesuatu kesalahan di bawah Akta ini atau mana-mana kaedah yang dibuat di bawahnya telah dilakukan oleh seseorang atau seorang pengilang yang menjadi suatu syarikat, perkongsian atau kumpulan orang, mana-mana orang yang pada masa berlakunya kesalahan itu adalah seorang pengarah, pengurus atau lain-lain pegawai yang berkhidmat atas sifat pengurusan atau seorang pekongsi syarikat, perkongsian atau kumpulan orang atau berupa sebagai bertindak atas apa-apa sifat seperti itu hendaklah disifatkan bersalah atas kesalahan itu melainkan jika ia membuktikan bahawa kesalahan itu telah dilakukan tanpa diketahui, dipersetujui dan dibiarkannya dan bahawa ia telah menjalankan segala usaha yang perlu bagi mencegah berlakunya kesalahan itu sebagaimana yang patut dijalankan olehnya memandangkan kepada jenis tugas-tugasnya atas sifat itu dan kepada semua hal-keadaan itu.

Amendmen  
of First  
Schedule.

(2) Tiada apa jua dalam seksyen ini boleh ditafsirkan sebagai mengecualikan sesuatu syarikat, perkongsian atau kumpulan orang dari apa-apa tanggungan atas sesuatu kesalahan di bawah Akta ini atau mana-mana kaedah yang dibuat di bawahnya atau di bawah mana-mana undang-undang bertulis lain.

(3) Bagi maksud-maksud seksyen ini perbahaasaan "syarikat" dan "perkongsian" hendaklah masing-masingnya mempunyai erti yang diberi kepada perbahaasaan itu dalam undang-undang bertulis berhubung dengan syarikat-syarikat dan perkongsian-perkongsian.

Penyam-  
paian  
penyata-  
penyata  
atau lain-  
lain  
maklumat,  
notis,  
perakuan,  
keputusan  
dan  
perintah.

20. (1) Penyata-penyata atau lain-lain maklumat berkenaan dengan aktiviti pengilangan seseorang pengilang yang dikehendaki diberi atau sesuatu notis yang diberi, sesuatu perakuan yang dikeluarkan, sesuatu keputusan atau perintah yang dibuat di bawah Akta ini atau mana-mana kaedah yang dibuat di bawahnya boleh disampaikan sendiri atau dihantar melalui pos berdaftar.

(2) Mana-mana penyata atau lain-lain maklumat atau notis, perakuan, keputusan atau perintah yang dihantar melalui pos berdaftar hendaklah disifatkan telah disampaikan kepada orang itu (termasuk suatu perkongsian) yang kepadanya ia dialamatkan pada hari berikutan hari yang penyata-penyata atau lain-lain maklumat atau notis, perakuan, keputusan atau perintah itu sepatutnya telah diterima mengikut perjalanan biasa pos jika ia dialamatkan—

(a) mengenai Menteri atau pegawai pelesen, kepada salah seorang daripada mereka, mengikut sebagaimana yang dikehendaki, di Kementerian;

(b) mengenai sesuatu syarikat, perkongsian atau kumpulan orang yang mempunyai suatu pejabat berdaftar di Malaysia, kepada pejabat berdaftar itu atau, jika tidak ada pejabat berdaftar seperti itu, kepada tempat perniagaan utama syarikat, perkongsian

atau kumpulan itu di Malaysia atau, jika tidak ada tempat perniagaan utama seperti itu di Malaysia, kepada tempat di mana apa-apa aktiviti lain bagi syarikat, perkongsian atau kumpulan itu dijalankan; dan

- (c) mengenai orang perseorangan, kepada alamatnya yang terakhir diketahui.

Perakuan  
pegawai  
pelesen  
menjadi  
keterangan  
*prima facie*  
mengenai  
perkara-  
perkara  
tertentu  
yang  
dinyatakan  
dalamnya.

21. Jika dalam pembicaraan bagi suatu kesalahan di bawah Akta ini atau mana-mana kaedah yang dibuat di bawahnya, adalah perlu untuk membuktikan bahawa—

- (a) mana-mana orang telah atau tidak dilesen pada suatu tarikh tertentu;  
(b) suatu lesen adalah tertakluk kepada apa-apa syarat khusus;  
(c) suatu lesen telah dibatalkan,

suatu perakuan secara bertulis yang berupa telah ditandatangani oleh pegawai pelesen itu menyatakan bahawa—

- (i) orang itu telah atau tidak dilesen pada tarikh itu;  
(ii) lesen itu telah dikeluarkan tertakluk kepada suatu syarat khusus;  
(iii) lesen itu telah dibatalkan,

hendaklah menjadi keterangan *prima facie* mengenai perkara-perkara yang dinyatakan dalamnya dan pegawai pelesen itu tidak boleh diperiksa mengenai kandungan perakuan itu melainkan jika notis tiga hari genap telah disampaikan kepadanya sebelum bermulanya pendengaran kes itu tentang maksud hendak berbuat demikian dan selanjutnya menyatakan butir-butir yang dimaksud hendak dicabar itu:

Dengan syarat bahawa perakuan itu hendaklah disampaikan kepada pihak pembela sekurang-kurangnya sepuluh hari genap sebelum bermulanya pendengaran itu.

Amendment  
of First  
Schedule.

Mahkamah  
Sesyen dan  
Mahkamah  
Majistret  
Kelas Satu  
mempunyai  
bidang-  
kuasa  
penuh.

22. Walau apa pun peruntukan mana-mana undang-undang bertulis yang berlawanan, sesuatu Mahkamah Sesyen, atau Mahkamah Majistret Kelas Satu dalam Negeri-negeri Sabah dan Sarawak, hendaklah mempunyai bidangkuasa bagi membicarakan sesuatu kesalahan di bawah Akta ini atau mana-mana kaedah yang dibuat di bawahnya dan bagi mengaward hukuman yang sepenuh baginya.”.

Jadual  
baru.

12. Akta ibu adalah dipinda dengan memasukkan selepas seksyen 22 Jadual yang berikut—

JADUAL

(Seksyen 11c)

Hilang  
kelayakan  
untuk dilantik  
sebagai atau  
daripada  
menjadi  
ahli-ahli  
Majlis;  
mengosong-  
kan jawatan;  
tempoh  
jawatan.

1. (1) Mana-mana orang yang berikut adalah hilang kelayakan untuk dilantik sebagai atau daripada menjadi ahli-ahli Majlis—

- (a) seseorang yang tidak sempurna akal atau, kerana apa-apa sebab lain tidak berupaya menjalankan kewajipan-kewajipannya sebagai ahli;
- (b) seseorang yang didapati bersalah atas suatu kesalahan berkenaan dengan frod, kecurangan atau keburukan akhlak; dan
- (c) seseorang yang bankrap atau memohon mendapatkan faedah mana-mana undang-undang berkenaan dengan pelepasan bagi bankrap atau siberhutang tak berkemampuan atau membuat apa-apa perkiraan atau penyelesaian dengan sipiutang-sipiutangnya.

(2) Seorang ahli Majlis hendaklah disifatkan telah mengosongkan jawatannya—

- (a) apabila ia mati;
- (b) apabila ia meletakkan jawatannya atau perlantikannya dibatalkan;
- (c) apabila ia tidak menghadiri mesyuarat Majlis tiga kali berturut-turut tanpa kebenaran daripada Menteri; atau
- (d) jika ia hilang kelayakan di bawah mana-mana peruntukan perenggan-kecil (1);

dan dalam tiap-tiap hal itu, seorang ahli baru hendaklah dilantik untuk menggantikannya menurut peruntukan-peruntukan Akta ini.

(3) Tiap-tiap ahli Majlis hendaklah, melainkan jika ia terlebih dahulu meletakkan jawatannya atau jawatannya terlebih dahulu dibatalkan, memegang jawatan selama tempoh tidak lebih daripada dua tahun dan adalah layak dilantik semula:

Dengan syarat bahawa seorang ahli baru yang dilantik menurut perenggan-kecil (2) hendaklah memegang jawatan selama baki tempoh ahli yang digantikannya tetapi ia adalah layak dilantik semula.

(4) Peruntukan-peruntukan perenggan ini adalah tanpa menyentuh kuasa-kuasa Menteri yang boleh dijalankan di bawah seksyen 11A (3).

Pertikaian sama ada ahli Majlis disifatkan telah mengosongkan jawatan atau tidak hendaklah dirujuk kepada Menteri dan keputusannya adalah muktamad.

2. (1) Apa-apa pertikaian sama ada seorang ahli Majlis disifatkan telah mengosongkan jawatannya atau tidak hendaklah dirujuk kepada Menteri dan keputusannya adalah muktamad dan tidak boleh dipersoalkan dalam mana-mana mahkamah.

(2) Bagi maksud-maksud perenggan 1 dan perenggan ini, perbincangan "ahli Majlis" termasuk seorang ahli gilir.

Memanggil, korum, acara mengundi dan menyimpan minit, mesyuarat-mesyuarat Majlis.

3. (1) Majlis hendaklah bermesyuarat dua kali setahun dan hendaklah, sebagai tambahan, bermesyuarat bila-bila sahaja lima orang ahli atau lebih membuat permintaan secara bertulis yang dialamatkan kepada pengerusi supaya Majlis bermesyuarat.

(2) Sembilan orang ahli hendaklah menjadi suatu korum di mesyuarat Majlis.

(3) Jika mengenai sesuatu perkara yang hendak diputuskan oleh Majlis bilangan undi didapati sama banyaknya, pengerusi atau, jika ia tidak hadir, ahli yang mempengerusikan mesyuarat itu adalah berhak memberi undi pemutus sebagai tambahan kepada undi biasanya.

(4) Tertakluk kepada Akta ini, Majlis hendaklah menetapkan acaranya sendiri.

(5) Minit-minit semua mesyuarat Majlis hendaklah disimpan dan salinannya disampaikan kepada Menteri.

Pengerusi, atau jika ia tidak hadir, ahli yang akan dipilih hendaklah mempengerusikan mesyuarat-mesyuarat Majlis.

4. (1) Pengerusi Majlis hendaklah mempengerusikan semua mesyuarat Majlis.

(2) Jika, oleh sebab tidak hadir atau tidak berupaya bertindak kerana sakit atau apa-apa sebab lain, pengerusi tidak dapat mempengerusikan mana-mana mesyuarat Majlis, ahli-ahli yang hadir hendaklah memilih seorang dari antara mereka untuk mempengerusikan mesyuarat itu dan orang yang dipilih itu boleh menjalankan semua kuasa pengerusi dalam mesyuarat itu.

Amendment  
of First  
Schedule.

Bayaran  
elaun kepada  
ahli dan  
ahli gilir  
Majlis.

(3) Tiada apa-apa urusan boleh dijalankan di mesyuarat Majlis semasa pengerusi tidak hadir sehingga seorang ahli telah dipilih untuk mempengerusikan mesyuarat itu.

5. Tiap-tiap orang ahli dan ahli gilir Majlis boleh dibayar apa-apa elaun yang ditentukan oleh Menteri.”.